

凡名  
225  
6

土耳其圖

圖

森



日本

三

# 土其真圖




# 土耳其圖



土耳其國

土耳其國。土耳其。○土耳其亞。○都耳基。○多爾其。○都魯機。○  
 特爾濟。○杜爾格。○控噶爾。○河多馬。○阿多曼。  
 回部大國也。地分西中東三土。西土在歐羅巴界內。中土東土  
 在亞細亞界內。三土合計縱橫約四五百里。古時皆羅馬東境。  
 即大後羅馬分東西三土。為東羅馬地。唐初。阿剌伯回部方強。  
 取東中兩土。建為藩部。土耳其者。本韃靼種。舊遊牧葱嶺之東。  
 即今伊犁一帶。奉回教。展轉西徙。入買諾。即土耳其。居於加拉馬屋亞。  
 為亞刺伯回部所驅。逃避山穴。其後種族漸繁。元成宗五年。頭  
 人阿多曼。多馬諾。招集種人。攻奪買諾回國。即名其國曰阿多  
 曼。至孫默拉德。日益強盛。東土之猶太。叙里諸部。即土耳其。  
 其東土。以次



非羅漢界

塞爾波界

非羅漢界

非羅漢界

塞爾波界

馬其士

塞爾波界

阿拉伯界

阿拉伯界

蠶食疆土愈廣。佛郎西日耳曼嘗以兵六萬來攻。皆失利去。元順帝建武至元年間。土王渡海峽。伐東羅馬。與敵戰而勝。敵有將。刺甚。卧戰場。請王親加刃死。無憾。王就之。敵將忽躍起。以短刀刺王中心。死。其子巴牙屑一作巴也渡海復仇。虜一萬人。盡殺之。會蒙古來侵。即元所封之巴牙屑禦之。兵敗被虜。後有摩拉多者。復奮起。侵略東羅馬境土過半。子馬何美德嗣。尤梟雄。明景泰三年。滅東羅馬。取君士但丁城為國都。即土耳其西土。君士但丁。一作康思坦胎諾格爾。西域聞見錄。稱為控噶爾。三土遂全歸。統轄紅海地中海南岸諸國。舊屬阿刺伯者。或納土。或稱藩。阿刺伯亦納款為屬國。復東取波斯。建為大藩。幅員之廣。幾比盛於羅馬。全國其用兵屠戮最慘。每

戰斬首以萬級計。治法全尚刑威。賦斂尤煩苛。嘉靖以後。嗣王多昏庸。醉飽殘殺骨肉。以此篡弒頻仍。稱為亂國。後宮常五六百人。初生子者為后。回回教主持國柄。作威福。諸大酋守地者。脫膏血以自肥。橐滿則玉賜帛自絞。而簿錄其家。蓋西國之昏虐無政。未有如土耳其之甚者也。初土耳其既得三土之地。各分部落。領以大酋。名曰巴札。地廣權重。漸成尾大。東土尤窻遠難制。康熙中。其王達哈荷麻孱弱不綱。諸巴札專制一方。名雖為臣。徵調多不應命。東偏之亞爾美尼亞。古爾的斯丹。皆衣租食稅。不供王室。巴必羅尼亞部。即美法不達地亞部。巴札阿墨。嘗據地以叛。土王那達沙征之。累年不能取。至塞黎慕嗣位。始於嘉慶八

年戰勝收復甫二載新立之巴札又叛塞黎慕親征中流矢死。  
如德亞大即猶之巴札亦跋扈不共命土無如之何也。中土買諸  
 諸部為土興基之地。部民多韃靼種尚勉供賦役而西土諸部  
 近接王都弄兵者接踵而起南境之希臘已裂土為敵國。別有  
 近年自立為小國者又有三部此外藩國波斯早易姓。天方即  
 刺亦隔絕在阿非利加北境者阿爾及耳已為佛郎西所滅惟  
 突尼斯的黎波里尚通朝貢。麥西為海南上壤舊設巴札近年  
 其巴札叛土攻取東土諸部。勢將內犯英吉利佛郎西勒兵勸  
 和乃分土稱外藩。四國詳阿非其王自塞黎慕東征不復國人  
 立慕斯德發未一載廢之。嘉慶十三年立馬荷美德在位年久

勢益奄奄蓋其國中衰已百餘年今則岌岌乎有亡徵焉徒以  
 世臣夾輔又與英佛諸大國合縱故尚得苟延歲月耳北隣之  
 俄羅斯大國也與土耳其其中隔黑海東西壤地相接乾隆中土  
 耳其與之構兵。西域聞見錄所云與俄羅斯構兵之控前後數  
 十年始猶勝負相當繼則累戰累北乾隆五十四年土王塞黎  
 慕為俄羅斯所敗割地以講後俄羅斯大舉來伐佛郎西救之  
 乃免自是多慍河一帶烽燧頻警奔命不遑道光六年土人侵  
 戕南境戰而敗績戕以大兵圍其都城國幾亡英佛為之講和  
 戕兵乃罷

土耳其西土古希臘十二國之地。詳希臘北界俄羅斯塞地利

三 討眉月

亞南抵地中海。地形入海之處。界希臘國。東界黑海。東南與買  
 諾隔一海峽。峽名他尼里。後漢書大秦傳所云有飛橋數百  
 里。可度海北諸國。即指此峽也。寬止數里。黑海地  
 中海。由此相通。春秋時波斯王薛西斯伐希臘。嘗造浮橋以渡軍。相傳古時有石橋。地廢久矣。西抵亞得亞海  
 隅。縱橫各二千餘里。南北高嶺橫亘。多腦河。榮帶其間。地多山  
 少平土。南界海灣凹凸。島嶼紛羅。地為歐羅巴初躬之土。土耳  
 其以兵力強取之。其民本習洋教。不樂回教。又不堪土之苛斂。  
 近年已成四分五裂之勢。所產者棉花。煙草。葡萄。南果。羊毛之  
 類。地分八部。○建都之部曰羅美里亞。一作路默利。其民多土耳其  
 種族。性強悍。樂於戰鬥。輕死生。重然諾。不禁鴉片。人多羸瘠。都  
 城曰君士但丁堡。建於黑海峽口之西岸。本羅馬東都。土耳其滅

東王。遷都於此。更名曰士但。城極大。內有玉宮。殿宇崇闕。城  
 外海港深廣。商舶輻輳。匝岸萬厦雲連。各國使館在焉。多瘟疫  
 火患。所轄亞得安城。周十五里。內有古殿。閭閻凋敝。加利城在  
 馬海灣。居民一萬七千。商賈互市之地也。○西里斯的黎亞。一作  
 雅在羅美里亞之北。北阻多惱河。風俗語音。近我羅斯。其民勤  
 苦力作。奉希臘教。會城曰所非。居民五萬。陸路通商之地也。所  
 轄順刺城。形扼山險。一夫可以當關。為土國北門鎖鑰。恃此以  
 禦我軍。多惱河一帶。城堡甚多。皆為備我而設。○波斯尼亞。一作  
 不在極西北。北距多惱河。草場豐廣。內有山產鐵甚良。居民鑄  
 為刀劍。不堪土之苛政。揭竿而起者屢矣。○日薩壹爾。一作亞

瀛環志略 卷六 日薩壹爾 刺萬



在海濱居民以獵為生剛猛善戰勇於赴敵稱西土精兵會城  
曰蔡翰尼拿昔有大酋據地以叛土王連年攻之不能克○黑  
坐義地形入海與希臘隣遍地皆山民居巖谷顛愚而悍猛耻  
睚必報遠客來則待之甚厚○塞爾維亞一作在西里斯的黎  
亞之西波斯尼亞之東北距多惱河會城曰占靈德師亞一作  
極堅固其民強武好鬪奉希臘教不樂回教鈴轄別推酋長起  
兵拒土土不能征服與之議和近已自立為國納貢於土○襪  
拉幾亞一作瓦拉基一作瓦在西里斯的黎亞之北北阻大山南距多惱河  
縱一千八百里橫四百五十里地形平坦河流交貫土沃宜麥  
草場豐茂牧畜蕃孽其民奉西教勤苦力作而土政苛虐培克

百端其地有大酋如列國小侯都城曰不加勒斯多一作布居  
民八萬一作末在襪拉幾亞之北西有山嶺界隔地極廣莫居民五十  
萬產五穀南果葡萄煙蜜蠟硝鹽馬牛猪每歲售馬隣封可萬  
匹其地亦有大酋如列侯都城曰驛西一作藉莊於峩羅斯逃  
土政之酷虐近亦立國納貢於土○干地亞洲在海中周圍一  
千五百里中峻外坦近海多良田又產橄欖油極佳其民奉希  
臘教不樂土政據地以畔土王征之二十餘年不能服也其島  
山水極秀海口近為沙淤舟行多阻  
土耳其中土曰買諾亞細亞極西之地黑海地中海環其三面

縱約千里。橫約二千餘里。南北曰縱。東西曰橫。凡後言縱橫皆倣此。南北峻嶺嵯峨。中多腴壤。土耳其起於此土。韃靼種人散布雜居。故土雖中衰。尚無分裂。所產者穀麥。五金之鑛。蠶絲。乾葡萄。南果。酒。油。蜜。香料。藥材。地分六部。○亞那多里亞。一作安納托利亞。又名小亞細亞。三面界海。與西土之羅美里隔一海峽。會城居民十萬。勤於懋遷。西國商賈雲集。每年出入貨價。不下數百萬金。城內街衢污穢。每瘟疫盛行。傳染殆遍。所屬大城曰補撒。居民六萬。大邑曰加士他。曰牟尼。多回回廟宇。○加拉馬尼亞。在亞那多里亞之東。土耳其人初來時。寄居於此。會城曰可尼。土之舊都也。○亞達那。一作安那托利亞。在加拉馬尼亞之西南。跨山臨海。其山之羊毛細如絲。

用以織布極溫軟。○西威斯。一作西瓦。在加拉馬尼亞之東南。臨海

山出銅鑛。居民善造銅器。○馬拉士。一作古地亞。又作路弥阿。東接東土之

亞爾美尼亞。西連加拉馬尼亞。亞那多里亞。南部。北距黑海。○

德勒比孫達。一作德比遜。在馬拉士之東北隅。南界亞爾美尼亞。北

距黑海。其埔頭為土耳其與義羅斯通商之地。○買諾附近有

數島。曰居伯羅島。其土膏腴。所產葡萄酒。南果最良。居民饒裕。

女人美姿色。舊稱樂土。近困於土耳其苛政。凋敝甚矣。曰羅得

島。水土平良。勤於農作。舊本自立為小國。後為土耳其所無。曰

治阿島。地極富庶。居民十五萬。不服土耳其政。道光七年。土

耳其以水師攻之。屠為赤地。曰米地隣島。產油酒。

土耳其東土在買諾之東亦亞細亞地北枕黑海東北隅接

羅斯東界波斯南連亞刺伯麥西西抵地中海縱約二千餘里

橫約千餘里東北一帶大山疊嶂最高者曰阿臘曰黎巴嫩阿

付臘底斯河一作阿倫得發源西北底格里士河一作地發源

正北相對而東南流至巴索拉合流入海西南隅有大澤曰死

海本大城邑遭異災地陷為湖其水鹹惡周圍皆瘦嶺枯山死

海之北有湖曰加利利其地為泰西諸國躬建之祖大國名都

代興者凡十數自為回部所據其民種類各殊在海岸海島者

皆額力西種即希謂之上等人居於西里亞美索不達迷亞各

部者半阿丹種即阿美驍善騎長於經商多素封居於東北山

中者為戈達曼種游牧為生健勇好鬪好虜掠土俗類韃韃里

謂西域游牧各部居於黎巴嫩山中者曰馬羅奈底士曰特魯西士曰

黑爾西諸種皆回民馬羅奈底士為洋教名師馬倫所化因以

得名阿丹以兵力賜入回教戶口繁多其俗儉嗇特魯西果敢

輕生戰不長平陸而長山險鳥鎗從高擊下發無不中黑爾西

戰鬪最勇以少敵眾從未敗衄土人與義羅斯戰倚此兩種為

勁旅諸部地界遼闊距王都絕遠自土耳其中衰守土之酋多

擁地自擅不供賦役百餘年來僅僅羈縻勿絕而已物產與中

土同地分五部○西里亞一作叙里亞唐書之西女國即西里

說乃華人所傳在地中海東岸東北距阿付臘底斯河南跨阿

會荒唐可笑

刺伯與麥西接壤黎巴嫩山在其北境迤連入於中土其地大勢分兩域迤北曰西里亞古之名國有海口曰地破里居民二萬五千海濱舊有兩大城一曰士羅西頓昔時商賈萃集富者均王侯今成廢墟一曰大馬士革其地山川秀澈田園開爽花卉尤繁十里外芳馥襲人迤南曰猶太猶太舊分三部曰猶太曰撒馬利亞曰加利利在秦漢以前為名國都城曰耶路撒冷唐書稱為拂菻極廣大城內居民逾十萬戶本羅馬屬國後衰亂羅馬以大兵合圍城破屠之部民星散後再立國卒為土耳其所取因其為教祖生長之地故至今猶豔稱之道光十六年麥西酋叛土王以兵取西里亞美索不達迷亞二部天保十年英人助土耳其

其將興兵麥西乃還其土○美索不達迷亞一作唐俗隣即在

西里亞之東北倚黎巴嫩山兩河廻繞阿什臘底斯河為東土

中原唐虞時有諾威者居此為泰西諸國之始祖其地半河半

澤農力勤苦境內有八塔者昔回部都城亞刺伯據東今成廢

墟又巴庇倫者一作巴必魯又古大國都城廢滅已二千餘年

瓦礫猶積成岡阜古爾的斯丹一作科爾又名野哈馬在美

索不達迷亞之東地多山瘠陋難耕部民多游牧於韃韃里會

城曰亞勒破居民逾十萬道光二年毀於地震不遺一椽由此

餓莩遍野○亞爾美尼亞一作亞在古爾的斯丹美索不達迷

亞兩部之北阿臘山在其境內峯壑險峻洞峽幽深水漲則巨

舟泊於峯。當雲擾時。其地被兵。絕少。故戶口較他部獨繁。其民半奉西教。勤於商賈。家有恒產。會城曰黑爾斯倫。一作葉西倫地氣寒甚。七月中即見雪。巴牙息在山脚。居民之學館也。平地近河。曰地里北。客城與隣國通。高山內古耳得族。建堡於洞壑之間。素為盜巢。○巴索拉。一作巴所刺在古爾的斯丹。美索不達迷亞之東南。阿付臘。底斯。底格里士兩河至此。部之東南隅。合流入阿勒富海。為東南大埔頭。五印度商船輻輳。其城屋陋。衢狹。而貿易極盛。

按土耳其三土。古大秦國之東境。即意大里亞之羅馬為西域自古著名之地。東土初闢最早。巴庇倫建國於前。西里亞代興於後。

猶太。一作如大。又作如底亞。又作如德亞。又作儒德亞。即唐書所謂拂菻國。以色列

之族。由此興焉。其國自夏商至漢季。歷世最久。令辟賢王。後先輝映。西土為希臘開基之地。西國之剖啟昏濛。實由此土。君士但丁則羅馬之東都。比於有周之雒邑。泰西遠隔神州。禮樂車書之化。無由漸被。而在彼土言之。則此數千里者。固商周之耿毫。齟岐聲名文物之所萃也。土耳其本回部賤族。竄身買諾。遺種繁滋。遭時衰亂。揭竿而起。恃其兵力。蠶食東西。遂使名城墮毀。典策散亡。文獻無徵。風流歇絕。三土之民。就俎醢之地。而困羶汗之俗者。數百年於茲矣。回回之性多殘暴不仁。而土耳其為尤甚。俗無彝倫。國無綱紀。日以刀俎。

待其民。朘脂膏而供醉飽。三土之民。何不幸之甚也。觀泰西人所著書。西土之困於苛政也。尤甚。勝廣之徒。時時攘臂而彼昏。不知猶晏然為羊車之游。亡可翹足而待矣。

泰西諸國。跨亞細亞。歐羅巴兩土者。惟俄羅斯與土耳其兩國。土耳其疆域之大。不及俄羅斯。而擅膏腴之壤。據形便之地。百年來。逐鹿紛紛。迄無止戈之日。固恃其地大兵強。不肯遽為我下也。七椿園不知其國之本名。訛稱為控噶爾。又因其據東羅馬故地。而以千餘年前一統之羅馬。移之於土耳其。荒渺甚矣。又稱俄羅斯本其屬國。缺其朝貢。又擾其邊。控噶爾用東西迭駕之法。俄羅斯大困。增貢乞和。乃免。此出於

烏巴錫詛咒之口。而聞見錄乃鑿鑿言之。豈知輿尸纍纍。而屢為城下之盟者。乃即所云控噶爾耶。兩國黑海亘隔。風馬牛本不相及。自俄羅斯開高加索部。詳俄羅斯圖說而與土之東土

接壤。又開波蘭諸部。而與土之西土。昆連。其初構兵。在乾隆中年。維時俄羅斯勃焉方興。戰攻甚銳。土耳其衰機甫兆。兵力猶強。勝敗之數。大略相當。後則土勢日孱。南風不競。喪師失地。割講頻仍。近年內訌四起。危如累卵。我則辟地益廣。富強又非昔比。悉銳南征。何異折枯拉朽。然土猶幸延至今。未為我所兼并者。由於英佛兩大國護持而排解之也。歐羅巴人最惡回教。土耳其之昏虐。又諸國之所鄙夷。英佛之於土。

非有所愛惜而必欲拯其危亡也。我羅斯境土得歐羅巴之  
 大半。然北地荒寒。不長水戰。故僅能比肩英佛。而未足以定  
 霸一方。若土耳其三土。一旦為所并無。則地無三海。波羅的海。黑海。  
 於歐羅巴一土。已扼吭而拊其背矣。彼且治船礮。閱形  
 勢。一旦擁十萬之眾。卷甲西馳。諸國其能宴然已乎。故英佛  
 之存土。非愛土也。懼我之無土而事未有所止也。兩國之強  
 我。所素懾。亦未敢開釁端。而延大敵。不得不隱忍戢兵。聽土  
 之姑延殘喘。歐羅巴情勢。頗類戰國。故縱橫之謀。有不期然  
 而然者。

泰西人紀巴庇倫西里亞古事云。上古之世。西土洪荒未闢。

猛戰食人。有凝吻者。武力絕倫。能驅獸衛民。眾推為主。虞舜

六載立國於亞細亞兩河之間。兩河謂阿比斯河。底斯河。或格

地亞曰巴庇倫。始聚人民造宮室。是為西土第一國。後有諾

威民之孫。曰亞蘇爾。亦建國於亞細亞。曰尼你味。與巴庇倫

為隣。亞蘇爾之子曰尼奴。并巴庇倫為一國。名其國曰亞西

里亞。而四方仍稱巴庇倫。尼奴死。妻西迷拉迷斯嗣位。女主

西土上古時即有之。拓地益廣。亞細亞一洲。即土耳其之中

至今遂治為故事。亞細亞一洲。東兩土。非今之

亞也。半隸版圖。其人習天文。善測星度。西土推步之學。由此

起。夏后不降十三歲。西迷拉迷斯死。子尼尼亞斯立。務於奢

靡。不勤政事。國勢漸衰。其後傳三十餘世。歷商及周。在位多

言  
卷六  
十一  
對峙開疆

中主之令聞。故西史無紀載。猶太者西土名國在巴庇倫西  
 南。壤地褊小。素為巴庇倫屬國。巴庇倫遇藩國無禮。猶太不  
 恭命。神武天皇七十六年周簡王元年。巴庇倫以大兵伐猶太。攻破耶路撒冷。猶  
部城又猶太王自殺。賜遷其民於巴庇倫。猶太人有但耶利  
名拂蘇者。聰異有學識。時巴庇倫王得異夢。心惡之。祕不言其狀。使  
 群臣測之。中則賞。否則刑。群臣憂懼。罔知所措。但耶利曰。臣  
 知之矣。王夢大像立於前。其首金。其臂銀。其胸腹銅。其股鐵。  
 其足鐵與泥半。忽大石飛墜。像立碎。風來吹散其塵。信有之  
 乎。王大驚曰。信如是。其驗云何。曰。驗在國之興廢。金首者。像  
 王也。銀臂者。將有旁族由褊小而興。銅身者。繼統之國。將有

廣土。鐵股者。再繼之國。當以劍矛摧各部。足之泥。分土之象。  
 石碎風摧。則興亡之無定也。王驚異以為神人。寵待之。王卒。  
バビロニア子尼布甲尼撒嗣位。立但耶利為相。相三世。但耶利死。而巴  
バビロニア庇倫益衰亂矣。巴庇倫之東為波斯。有馬太者。波斯大部。其  
セイユム王居魯士。英果善戰。新兼波斯諸部。方以取亂侮亡為事。巴  
 庇倫恬不為備。時巴庇倫王荒唐無政。群下離叛。周景王八  
 年。居魯士大舉來伐。巴庇倫望風奔潰。圍都城。一鼓而下。巴  
 庇倫亡。地歸波斯。周敬王年間。巴庇倫叛。波斯王大流士以  
 大兵圍之。歷一年八月。城破。釘其民千人於架。周顯王年間。  
マケドニア希臘之馬基頓王亞勒散得大舉伐波斯。波斯潰。亞細亞諸



部皆為馬基頓所奪。已而亞勒散得卒於軍。諸將裂新辟  
 之土自王。亞細亞分為數國。日相戰攻。已而并為一國。仍巴  
 庇倫。舊國名曰西里亞。一作叙里亞傳國百餘年。為西土大部。西  
 漢惠帝五年。元天皇帝十五年為羅馬所滅。詳意大利圖說地歸羅馬。又泰西人記巴  
 庇倫城。高三十五丈。厚八丈七尺。上設塔二百五十。城門一  
 百。以銅為之。周迴一百八十里。南懷仁所記。宇土七大宏工。  
 有巴必鸞城。即巴庇倫之轉音即此城也。當其初建。糜膏血而供版  
 築。自以為子孫萬世之業。然居魯士兵來。曾不血刃而克之。  
 金城千仞。果足恃乎。巴庇倫再叛。大流士惡其城垣之高。拆  
 毀其半。至今猶存遺址。在土耳其東土美涼。不達迷亞境內。

又英官李太郭云。西里亞文字。西里亞文字。即巴庇倫所造文字。與諸國不  
 同。與清文極相似。但橫寫順讀耳。因出西里亞文字冊子。余  
 翻閱之。信然。

泰西人紀猶太古事云。猶太古名迦南。有夏帝芒之世。西土  
 有至人曰亞伯拉罕。生於兩河之間。阿付臘底斯河。底格利士河。遷於迦  
 南。其苗裔稱以色列族。傳數世至耶哥伯。有十二子。最少者  
 曰約色弗。聰慧過人。諸兄忌之。賣於麥西為人奴。麥西一名  
 作厄日多。或作以至此多。又作伊齊不托。在亞非利加之東北境。詳阿非利加圖說。麥西王立以為相。  
 以色列之族群往歸之。初至時七十人。年久繁衍。至六萬人。  
 麥西王忌其強宗。欲除之。時迦南以色列族有至人曰摩西。

生而神異。學識過人。報仇殺人。逃於荒野。四十年。夢神人使  
赴麥西救本宗。至則麥西王方張網羅。欲收以色列族坑之。  
摩西密告宗人約期同發。至海港潮退。變陸渡畢。而潮大至。  
麥西軍追者皆溺死。摩西率衆至迦南之耶路撒冷。遂王其  
地。摩西卒。約書亞繼之。分以色列族為十宗。裂地封為小部。  
統於耶路撒冷。周武王元年。有措及耳者嗣位。德量過人。能  
察民枉。稱為賢主。周成王二十五年。王掃羅嗣位。好用兵。不  
恤民命。國人棄之。立大辟為王。大辟以周昭王十年嗣位。敬  
畏天神。稱為聖人。在位十六年卒。王撒門或作瑣嗣位。亦稱  
令辟。周穆王年間。王羅破暗嗣位。始稱猶太國。羅破暗卒。亞

亞雅繼之。三年卒。亞撒繼之。號為賢能。亞撒之後。有何沙法  
者。亦賢主。周孝王二十一年。王耶何蘭嗣位。王后擅權。大戮  
宗黨。群臣誅后。國乃安。王烏西亞或作亞嗣位。在位五十二年。猶國  
稱治。亞哈斯或作亞嗣位。招異族來國助戰。遂為國患。王希洗家繼  
之。驅除異族。境內復安。周莊王十年。王馬拿西或作馬嗣立。在位四  
十三年。王亞們繼之。荒淫無道。二年而卒。周襄王十年。王約  
西亞或作約嗣立。內修政事。外攘寇虐。威聲振於西土。王禦敵殞於  
陣。王耶何雅金或作耶嗣立。先是巴庇倫為亞細亞大國。猶太夙備  
西藩。巴庇倫侈汰。遇諸侯無禮。猶太王怒。絕朝貢。周簡王元  
年。巴庇倫以大兵攻之。城破。王自殺。遷其民於巴庇倫。猶太


遂亡周景王八年波斯滅巴庇倫釋猶太民歸國以色列族  
安寧天皇十三年復立故國傳三百餘年西漢時降羅馬為屬國後復叛為羅  
馬所滅屠耶路撒冷都城羅馬衰亞刺伯回部據之猶太為  
教祖生長之地歐羅巴人時往拜其墓既為回部所據禁不  
得通諸國皆怒合兵攻回部血戰二百餘年卒奪回猶太地  
重立為國戍以兵未幾戍兵思故土各散歸尋為土耳其所  
據其部民散之四方西土各國多有之以數百萬計而總稱  
為猶太族與別族不相混云余嘗聞之英官李太郭猶太人  
最講文字西國各種書籍多猶太人所譯解故其國紀載獨  
詳歐羅巴文士游學者不於希臘即於猶太蓋泰西文誦之

區也又云猶太女人姿姣好而性靈慧與別部迥異娶婦得  
猶太女則以為威施在室也猶太自唐以後中國稱為拂菻  
即撒冷之轉音初轉為拂廩再  
轉為拂菻唐書直以拂菻為大秦蓋拂菻在羅馬東部中  
著名遂誤為大秦別名猶西域稱浩罕為安集延也宋明史  
因之則沿唐書之誤耳

希臘圖




[Faint vertical text in columns, likely bleed-through or ghosting from the reverse side of the page.]





約五百里...  
 土耳其...  
 海中地...  
 渡...  
 圖...



希臘國

希臘額里士○額力西○古名國也。今為新造。土耳其西土之南界。地形如臂入地中海。其盡處。槎牙似人掌。是為希臘國。縱約五百里。橫約七百五十里。疆土褊小。海灣繚曲。汭港四通。洲嶼星列。產棉花。南果。羊毛。葡萄乾。橄欖油。五穀。煙草。當上古時。歐羅巴人。草衣木食。昏蒙未啓。有夏中葉。東方列國。已向化。義納孤一作枯木。從迦南抵希臘。猶太。始教土人。以構屋。營居耕田。播穀。有高中葉。灑哥落。從厄日多來。即麥。立國於雅典。始織羊毳。為衣。釀葡萄為酒。取橄欖為油。鑄金鍛鐵。作刀。刃耒耜。又以文字傳。其土人。歐羅巴之開。淳閔。通文學。實自希臘始。希臘當



希臘國圖

希臘國圖  
卷六  
十六  
計眉月歲

商周時分巴之國結為同盟。周敬王年間波斯以大兵攻希臘。希臘各國合縱禦之。波斯敗績遁去。後希臘有馬基頓王亞勒散得者。合列國之兵伐波斯。乘勝直抵印度。王卒於軍部。將分其所得之土。各自王。由是希臘之語言文字布於西土。西漢時意大里亞之羅馬方強。征服四方。希臘各國亦歸版圖。後羅馬分東西。希臘故地屬東土。為亞刺伯回部所侵。日就衰弱。土耳其既興。滅羅馬東王。以兵力取希臘全土地。屬土耳其者四百年。近年土政苛虐。雅典之民不能堪。嘉慶二十五年。逐去土酋。土人以兵攻之。雅典堅守不下。英吉利佛郎西俄羅斯三國壯希臘各以兵擁護之。土耳其無奈何。乃聽其自立為國。即今之

希臘國也。其地關山迥隔。九曲盤繞。群峯競秀。望若列屏。名勝甲於西土。士女儀容多秀美。男好華冠麗服。女子美髮髻。樣乃幻多式。藏書之富。甲於西土。人多博覽。各操鉛槧。述事立言。其宮殿古蹟。為泰西創造棟宇之初式。國王名阿多。本日耳曼列侯世子。希臘新分十部。首部曰雅典。都城在海灣。曰亞德納斯。自昔為聲名文物之地。今則市井寥落。景象蕭條。○亞爾哥黎大破。作淨。城在海口。曰腦比里亞。通商之大埔頭也。○亞加亞城。在海口。曰巴辣斯。一作巴答。亦通商埔頭。街衢汗穢。商旅惡之。○美塞尼亞。一作墨。首邑曰亞爾加的亞。希之堅城。土



人屢攻之不能下。○亞爾加的亞首邑曰的黎波里薩。一作得破勒撒  
 亦希堅城。昔為土耳其攻破。屠三千人。希人收復之後。盡戮土  
 人之居守者。○拉哥尼亞海中大嶼也。首邑曰迷斯達拉。一作希達  
 居民六萬。土磽瘠。而農作甚勤。無務工商。故恒足以自給。○亞  
 加爾拿尼亞。一作爾加地首邑曰瓦拉說黎。在西界海灣。○羅哥黎  
 大首邑曰薩羅大。一作羅尼加居民六萬。勤苦力作。產棉花。煙。○  
 憂卑亞。西界一洲。首邑曰哥羅奔多。一作尼鄂奔多昔加拉大首邑  
 曰黑爾摩波利斯。一作摩力亞中有山嶺。牧人所聚。素稱盜藪。十部地界  
 原圖未分畫。○屬島曰八摩。昔約翰流徙於此。以此著名。○海灣其  
 多。東方曰君得撒。曰撒羅尼加。南方曰益義拿。曰拿破里。曰可

倫西方曰爾加地。曰勒須多。○希臘之西有群島。曰各府。曰散  
 他。曰魏刺。曰地亞。其曰客花羅尼。曰息利。我曰散地。總名曰以  
 阿尼島。居民共計十九萬。產橄欖油。葡萄乾。酒蜜。南果。島各有  
 渠掌政令。屬於英吉利。

泰西人紀希臘古事云。上古之時。歐羅巴草昧未闢。人獸雜  
 處。有虞氏之初。亞細亞兩河之間。已見前有初立國者曰巴庇  
 倫。一作巴必。又作巴必。夏后氏之初。阿非利加之北境有  
 初立國者曰厄日多。即參西。詳阿非利加圖說。後有諾威氏之裔曰日摩  
 建國於亞細亞之買諾。即土耳其。其中土。其國人漸有渡海峽而西者。  
 即地大尼。始知有希臘廣土。夏后少康二十六歲。買諾人有

伯辣斯日者始立國於希臘之北境曰西西思逾九十餘歲  
 有厄日多人遷於希臘名其地曰的丹立國未成衆思故土  
 散歸夏后孔甲二十一歲迎南人義納孤一作抵希臘之南  
 境始鳩集人民教以營宮室種穀麥皆蒙漸啓高王外士十  
 二祀厄日多之灑的斯人灑哥落率其邑人遷於雅典立國  
 曰亞德納斯一作亞地拿始興技業立法制辨倫類造文字灑哥  
 落卒加拉腦斯繼之治法益詳希臘諸國聞風效慕荒陋之  
 俗一變高王沃甲十三祀亞德納斯王昂飛的安嗣位是時  
 希臘分十二國時有詬爭而東方諸國已造兵端昂飛的安  
 恐諸國之自相攻且心力不齊無以捍大敵乃馳使十一國

結為同盟立公會於德爾摩比勒Delphi每國遣使二人歲二會申  
 約結齊好惡講求利弊各以聞又各出蓄積貯於德爾佛斯  
 堂以備軍儲每國以二人司之由是四隣輯睦十二國如一  
 國外侮不生晏然康阜駕舟行地中海懋遷有無勢益富強  
 當是時十二國中惟亞德納斯與斯巴爾達一作士最大斯  
 巴爾達又名塞拉德摩尼亞其國初分數小部高王祖乙七  
 祀有勒利斯者并小部為一國勢與亞德納斯相埒諸小國  
 制度皆效兩國所為亞德納斯王德修以高王廩辛六祀嗣  
 位時國人分三等曰爵紳曰百工曰農民爵紳多專恣剝民  
 工農貧乏國寢弱德修患之乃汰官司裁署舍抑損豪貴躬

攬大權加惠黎民招徠商旅遠方之民歸之如市百工技業日精操奇贏多素封農夫積倉箱日益饒裕亞德納斯遂為西國大都會子哥德落斯嗣位守其成法益加惠於工農由是爵紳無權而庶民之勢重哥德落斯卒庶民私議曰賢主不可再得傳之貪殘民且重困乃揚言曰能以入必德爾為君者當聽命入必德爾西國所奉宗祖之神也從此不立國王以長官一人治事名長官曰阿爾干以哥德落斯子孫為之繼序如王而權與體視玉稍殺越三百三十餘年周平王三十六年國人又以為不便定議阿爾干三年而更尋廢阿爾干立九官以治事九官由眾推選以三年為秩滿賢則留否則更

自是事權紛錯奸宄日多國人患之有達拉固者以才學稱眾公舉修刑書達拉固性嚴刻罪無大小皆予殊死時人號為血書行之數十年國人側足犯法者益眾周靈王年間公舉梭倫重定法制梭倫者望族之英素能以德服人者也刪達拉固苛法酌情罪歸於平允國人大悅復建議事廳一法制司一以資財之多寡分齊民為四等每等百人有興革則集議於議事廳法制司設品官定員數選才德出眾者領之發號令定刑賞皆由法制司區畫精詳輿論翕然方亞德納斯之廢王而立官也德巴斯首效之諸小國亦紛紛效之德巴斯者舊本非尼西亞人詳阿非利加圖說其王加達慕斯於高王

武丁年間立國於希臘者也。迨梭倫重定法制，諸國又效之。  
 斯巴爾達自勒利斯開國，傳四百餘年。至周成王十一年，有  
 幽里寺德那斯伯羅刻黎斯者，兄弟也，同即王位。自是國有  
 二王同朝治事，其制傳八百餘年，不改。西土傳為異事，亦未  
 有效之者。至末造之噶黎厄美尼斯始改為一王。周夷王年  
 間，其國有賢主曰利古爾厄，重定法制，與梭倫所定之法大  
 略相同，而兵制尤為盡善，其俗儉嗇，其人壯武，嘗伐米西奈  
 國，滅之，得其膏腴之土，國勢益強。是時東方之波斯國方強，  
 其王大流士一作達再滅巴庇倫，勢張甚，顧希臘諸國，以外  
 夷賤之，不加齒禮。會波斯有大將本希臘人，大流士厚遇之。

擢其姪高班，其姪叛附亞德納斯。亞德納斯有罪人，義比亞  
 斯奔波斯復挑構之。周敬王二十九年，大流士以舟師伐亞  
 德納斯。亞德納斯乞和不許，於是希臘諸國合縱禦之。波斯  
 破亞德納斯大巔，燔其城。亞德納斯大將米力泰底率眾禦  
 之，戰於馬拉多那。波斯敗績，米力泰底奪其七船。大流士慙  
 憤死，子澤耳士立。一作捨爾時斯誓雪仇耻，以三萬人伐希臘，造長  
 橋於他大呂里海峽，長二千丈，以渡軍。希臘大震，波斯欲招  
 斯巴爾達降。斯巴爾達拒險拒之，人決死戰，呼聲動天地。波  
 斯軍敗走。時波斯水軍分道攻亞德納斯。亞德納斯大將地  
 米多其利率眾禦之。波斯師船泊外海，忽風雷大作，波濤震

蕩壞波斯船四百艘地米多其利以計誘其餘船入內港圍而殲之波斯軍水陸皆敗澤耳士大怒舉傾國之師三十萬攻亞德納斯亞德納斯棄城保於別嶺波斯毀其城希臘諸國咸來助戰爭先陷陣波斯軍大潰橫屍數十里狼狽東走亡失殆盡澤耳士乘漁舟遁輜重盡為希臘所得先是希臘諸國自昂飛的安聯盟之後歷千年無改故能同心協力屢破大敵至是爭取波斯遺財頗有違言亞德納斯城扼海口操形勝且聚高船擅利權斯巴爾達素忌之既為波斯所毀亞德納斯人欲建復而斯巴爾達阻撓之由此兩國交惡盟約解散諸小國各有所附日啟爭端亞德納斯城既新建藩

屬皆納貢餉日益強盛而斯巴爾達遭地震壓死萬餘人叛奴作亂弑王米西奈城又反國衰亂者數十年亞德納斯有賢長曰比哩吉發政施仁閭閻富庶四國頌之會大疫死者相枕籍比哩吉亦染疾卒代位之長多挾私亂政民氣鬱然亞德納斯之西有大洲曰西基利即西屬於力爾達額有亞基庇亞底者生長此洲任俠好施素得衆心見亞德納斯衰亂欲取而代之因募兵攻亞德納斯破其水軍斯巴爾達與亞德納斯有夙嫌乘西基利之亂以大兵圍其都城毀之亞德納斯遂為亞基庇亞底所據由是希臘諸國互相攻日益衰亂已而馬基頓興一作馬斯多尼亞馬基頓亦十二國之一在希

臘北方初甚微弱。周顯王<sup>天</sup>年間有王曰非立<sup>一作非</sup>。非立<sup>一作非</sup>雄武有權略。與希臘諸國交兵。累戰皆克。使客游說之。皆納款為屬國。王欲伐波斯。會中刺客死。子亞勒散得<sup>一作阿勒</sup>嗣位。年二十一才。無文武。英略過人。周顯王三十五年。以三萬五千人伐波斯。取亞細亞<sup>即買諾敘里</sup>。波斯望風奔潰。波斯王棄營走。虜其妃后。因移兵巡行海上。有土羅者。加爾達額之都城。<sup>詳阿非利加圖說</sup>王攻破之。屠八千人。時麥西<sup>即厄</sup>為波斯屬部。王征服之。隨其沿海名城。由是所向披靡。游兵及五印度。皆納款。列東藩。波斯王悉起境內兵。決死戰。王擊破之。圍其蘇撒都城。會遭疾。旋師至巴庇倫。卒於軍。諸將各引所部。據新



辟之土。自王從此希臘族散布西土。至漢初希臘尚餘四國。曰厄多里亞。曰亞加壓。曰白阿西亞。仍以馬基頓為長。馬基頓王非黎卑性強暴。凌侮屬國。三國患之。時羅馬征伐四方。兵力方強。三國密求援。羅馬命將以大兵入希臘。非黎卑攜妻子逃。羅馬因駐兵。脇三國降。三國悔失計。求助於西里亞<sup>一作叙</sup>。西里亞者。亞勒散得部將所立國。兼亞細亞諸部<sup>即耳其東</sup>。為東方大國。時加爾達額敗將漢尼巴亦赴西里亞<sup>中兩土</sup>。詳意大里阿。其王安的約哥。計希臘亡勢。且及已。率輕兵救希臘。羅馬迎擊之。安的約哥大敗遁歸。羅馬兵踵至。圍其都城。安的約哥降。希臘四國聞之。皆納土降。地歸羅馬。時

漢惠帝五年也。希臘諸國建於夏商。至漢初乃亡。凡歷一十數百年。余嘗聞之英官李太郭云。雅典最講文學。肄習之精。為泰西之鄒魯。凡西國文士。未游學於額里士。則以為未登大雅之堂也。古希臘十二國。乃今西土耳其全土。新希臘則雅典一部。古亞德納斯之南境也。


和之土自王莽以赤眉賊將亦西土主

# 意大利亞列國圖

英華  
會








波邊廣吉臨

大里亞



意大利亞列國

意大利亞。以他里○以他利○伊達○歐羅巴○古一統之國。漢書所謂大秦國也。東北界塞地利亞。北界瑞士。西北界佛郎西。其餘全土斜伸於地中海。似入股之著履者。中有大山綿亘如脊。其地天時和正。土脈膏腴。穀麥昌茂。花木馨芳。幽谷名園相屬。西土羨為福地。自周以前為土番散部。周幽王時羅馬崛起。國勢漸強。其後武備日精。疆土四闢。至西漢時。北扼日耳曼諸部。至波羅的海。南服阿非利加。北境各國。西辟佛郎西。西班牙。葡萄牙。至大西洋海。又跨海建英吉利三島。東并希臘諸部。括買諾西里亞。縱橫千萬里。跨歐羅巴亞細亞。阿非利加三土邊外。

弱小諸部皆修貢職為臣妾居然大一統之勢建都城於羅馬諸國仰之如周京西域聞見錄所稱噶爾都東晉時又建東都於黑海之峽稱為君士但丁一作公騰廷又作康思坦胎諾其後傳世既久嗣王多淫辟敗度內亂迭生廢立屢見西北諸部皆擁土自王不復為臣東晉孝武帝二十二年國分為二以羅馬為西王君士但丁為東王東王至明景泰間始為土耳其所滅西王居意大利故地劉宋時為北狄特族所滅特族立國三百餘年佛郎西取之以羅馬都城奉教王後復分裂有伯梭日爾者嘗并兼諸部為一旋以苛暴為國人所廢奧地利亞征服之割北境之米蘭威內薩兩部自是之後諸部時合時

分日尋干戈雲擾尤甚嘉慶十年佛郎西王拿破侖略定其地為佛藩部拿破侖敗諸國公使會議於維也納分其地為九大國四曰羅馬曰多斯加納曰薩爾的尼亞曰那不勒斯小國五曰巴爾馬曰摩德拿曰盧加曰摩納哥曰勝馬里盧猶總稱意大利亞其地物產豐饒兼有蠶桑之利每歲所產絲綿價值三千餘萬葡萄酒橄欖油橙柑椹栗諸果亦皆繁碩其民身體纖弱外寬柔而內陰賊往往昏夜刺殺仇人好談論游戲喜謳歌有稷下之風各國皆崇洋教而羅馬為最盛

羅馬一稱教宗國古羅馬舊都也當全盛時文物聲名為西洋第一大都會至劉宋時為北狄特族所據故王宮闕大半殘

漢時傳播西土羅馬人崇信尤篤故國既為狄所據洋教之徒  
乘機招誘黨羽日繁大權歸其掌握佛郎西既滅我特族遂以  
其地歸洋教師號曰教王教王歿則大會各教主僉議推老成  
者一人嗣位略如前後藏喇嘛坐牀之俗其教傳布各國有不  
遵者輒挑釁構兵夷滅之或教其民叛主佛郎西之創霸也教  
王為之加冕英吉利北族之起兵也請於教王教王封以英土  
其權如此至前明時日耳曼人路得別立西教稱為正教并洋  
教為異端邪說於是諸國半歸西教而教王之權頹衰所據之  
羅馬都城古蹟最多洋教堂極崇宏光彩射目入教之徒如蟻

漢書冊舊典亦掃蕩無遺由是民變夷俗非其舊矣洋教自東

各食教王俸糈別國之祭司禮拜主事者遠方之信士焚香禮拜者  
踵相接也其民情於農事野多曠土山內多藏克盜捕急則逃  
入教祖堂無復過問者

多爾加納一作突如拿在羅馬之西東北界羅馬西南臨海土地膏  
腴物產豐厚都城曰佛羅稜薩街衢整潔萬厦翬飛所屬有古  
城曰北撒昔稱繁會今已凋敝海口有城曰里窩那市舶所萃  
貿易甚繁

薩爾的尼亞一作沙力尼阿又作撒地尼又作撒丁本意大里大島其國由此島  
而割意大里西北境遂以島名為國名地在多爾加納之西北  
與瑞士佛郎西接壤國分四部曰辟門曰熱那亞曰撒至曰撒

藏嚴志異 卷六 十六 寸眉月歲

丁島都城在撒歪曰都靈一作殿堂宏麗西人豔之辟門多山

田不足畊其民多走別國謀生熱那亞在海隅昔為地中海公

市萬艘鱗集稱大都會意大里戰船皆屯泊於此今衰廢已久

僅存各官之衙署而已撒丁島地甚廣莫而林莽居半居民披

羊皮挾利刃遊牧林薄中性悍獷難於鈐束

那不勒斯一作拿破利又作拿破里又作担不爾士在羅馬之南東西南三面皆海

正地形似鞞履之處意大里之南境也西南有大島曰西西里

或作什士力又作西基利又作西西里亞與那不勒斯合為一國都城同國名屋宇

高大殿廟整肅郭外萬峯環繞高插雲表內多幽壑古洞別有

火峯峯嶺常出煙雲有時火石飛空墜數十里外或飛灰如霜

霰積數尺壓田亩廬舍又火漿迸流如水所至草木皆燼近山

有二古城灰埋已千餘年忽土人掘出垣堞依然傳為異事地

震甚烈居民頻年被災惟土田肥沃物產豐饒故戶口繁密無

肯避而去者西治里島縱橫皆四五百里土尤肥沃多五穀良

釀島中亦有火峯鄉邑屢遭焚毀吏多苛政教主擅權故夙稱

沃土而民恒貧乏其會城曰巴勒摩埔頭曰黑西拿

巴爾馬一作在薩爾的尼亞之東摩德拿之西北抵波河縱橫

皆二百里戶口四十餘萬昔為塞地利王女封地佛郎西王拿

破命之后也拿破命既敗其后別醮仍據此地

摩德拿東連羅馬西連巴爾馬長三百里廣一百四十里戶口

十七 村眉月歲

三十八萬

盧加東連多爾加納西至地中海長九十里廣五十里 戶口十

四萬餘

摩納哥在薩爾的尼亞境內長三十五里廣二十里 戶口六千

五百

勝馬里唐在羅馬境內袤延約五十里 戶口四千餘 自推酋長

理事不屬教王

意大里西南有馬里他島地多磐石居民積土為田以耕其俗

儉嗇勤苦戶口極繁昔保羅浮海擱淺泊登此島為人療病著

神異之迹故此島名傳西土當回部方強以兵力脇此島島酋

率驍卒拒之回部竟不能取嘉慶年間佛郎西誘降其酋旋為

英吉利所奪守以重兵為地中海停泊戰艦之處

按西國自剖判以來惟意大里為一統之朝肇造邦土在成

周中業混壹在西漢之中分裂在東晉之末宗社之墟在明

景泰間祚數之長泰西無其比也據泰西人所紀載其創業

之主曰羅慕路一作羅母洛於周幽王年間始建城於羅馬別五

土之宜教民以耕稼造戰弩以習戰子努馬一作馬嗣位初設

律例愛育黎元分等威別貴賤境內大治傳七世至達爾癸

唐蘇比爾伯淫虐無人理民廢王選賢者二人居高爵立公

會以治事高爵每年一易由是國無王而勢日強盛意大里

諸部皆歸版圖。阿非利加北境有大國曰加爾達額。一作迦大其舊名非尼西亞。立國最早。由希臘遷於地中海之南岸。其國善於商賈。擅地中海之利權。又兼并西班牙。富強無與。將羅馬初興時。加爾達額屢侵軼之。又奪其屬島。西治里。後羅馬漸強。始稱勅敵。構兵數百年。迭為勝負。西漢初。加爾達額命其大將漢尼巴。合西班牙之兵。大舉伐羅馬。連戰皆克。陷南境諸城。羅馬大將發比約馬。西摩堅壁以老其師。而遣別將馬爾塞羅伏奇兵。邀其歸路。又遣西比揚潛師渡海襲其都城。漢尼巴聞警。還救。遇伏。大潰。比渡海將至。西比揚回兵邀擊於海中。全軍盡覆。漢尼巴乘漁舟奔西里亞。求接。時漢高

十四年祖六年也。是時希臘分數部。馬基頓最強。諸部為所凌侮。求

庇於羅馬。羅馬以兵護諸部。因脇降為屬國。諸部悔之。密約

西里亞為援。西里亞者。一作叙里亞。亞細亞大部。在猶太之北。舊

本巴庇倫地。波斯滅巴庇倫地。歸波斯。後馬基頓王亞勒散

得伐波斯。盡取其地。亞勒散得卒於軍。諸將裂其土。自王分

為數國。後并入西里亞。為一國。勢頗強大。故希臘諸部欲倚

之以拒羅馬。而漢尼巴又盛稱羅馬師疲易敗。漢惠帝五年。

西里亞王安的約哥帥兵赴希臘。羅馬迎擊之。西里亞兵大

敗。奔回羅馬。軍乘勝逐北。圍其都城。安的約哥納土降。漢尼

巴自殺。因移兵征馬基頓。馬基頓亦降。希臘諸部皆獻土。漢

惠帝十年元大皇帝羅馬以大兵伐加爾達額圍其都城城將陷加爾

達額闔城自焚羅馬毀其城因畧定其屬部復征服西班牙

置為別部時葡萄牙為西班牙境尚未立國是時地中海南岸尚有兩強國

一名奔多一曰入占爾達奔多有高哥斯大山為屏蔽其王

覓的里達隄強武好戰恃天險不肯賓服羅馬命大將西拉

靈占祿征之連兵二十六年屢破其軍覓的里達隄拒險不

肯降漢景帝後元年羅馬大將奔彪以奇兵破奔多殺覓的

里達隄入占爾達尤險遠漢武帝元封五年羅馬大將馬黎

約征服之由是地中海南岸諸部盡入版圖猶太麥西亦納

欵北境拓地至日耳曼復西辟佛郎西渡海征英吉利土藩

建為大部西土數萬里無復抗顏行者初羅馬廢國王立公

會高爵由眾推遷原議一年一易後因兵事不得易漸有久

於位者高爵子孫名曰巴的黎西疴推舉高爵半由巴的黎

西疴黎庶雖有奇傑多阻遏不得進而高爵子孫席富貴以

勢凌人黎庶積不能平時諸將四征不庭各擁強兵兵皆百

戰悍不馴至是四方略定諸將各凱旋屯畿甸適有夷族自

東北來侵亞細亞諸部多翻城應之大將綱標一作往刺方

戰勝收復境土而內變作先是馬黎約之兵與西拉之兵詬

誶交闕黎庶之黠者乘機倡亂殺高爵子孫民與紳鬪兵與

兵誑既而兵民紳分黨相攻數旬之內反者如蝟毛而起屠



戮凡數萬人。網標聞變急回兵。大將愷撒一作人略方西征亦旋師。共平內難。盡戮反者。前後死者凡十餘萬人。國乃定。是時大權歸兩帥。網標為羅馬宿將。征服麥西猶太。重定亞細亞。建功最早。貪權位。漸驕恣。而愷撒負英略。學術過人。平佛郎西。英吉利。建為大部。勲業尤著。兩人積不相能。愷撒素得民心。網標度不能抗。託故之東部。起兵攻愷撒。愷撒率眾禦之。戰於希臘之法爾薩里亞。網標兵潰。單舸奔麥西。麥西王斬其頭。獻羅馬。由是愷撒總大綱。立法制。羅馬大治。時高爵有不盧多加西約者。忌愷撒之得大權。將帝制。遣刺客刺殺之。高爵馬爾各安多尼約因擅權專制。將自王。愷撒猶子唯

大屋一作塞薩爾起兵攻之。戰於黑細約河。馬爾各安多尼約大敗。攜其孥而逃。不盧多加西約皆自頸死。漢成帝建始二年。唯大屋踐王位。是為羅馬復立國王。之始。當是時。羅馬東境至亞細亞。即土耳其。西境至西班牙。英吉利北境。括日耳曼諸部。南境包阿非利加之北境。地無三土。亞細亞。歐羅周。迺數萬里。盡入版圖。波斯遣使乞和。天竺亦遣使通好。徼外諸夷部皆入貢。建始三年。唯大屋更名曰奧古士都。與烏士銷兵。罷戰。親閉仍納廟門。仍納兵主之神。兵興。性寬大。厚待功臣。親愛士民。為羅馬極隆平之世。其後駕里古喇尼囉相繼立。皆苛暴荒淫。比於幽厲。大將菲士巴山素得民譽。眾

推戴為國王。時猶太叛亂。命其子第度伐之。攻破猶太都城。屠之。已而第度嗣立。慈惠愛民。稱為賢主。未幾卒。其弟嗣立。煩刑苛斂。國人不堪其虐。弑之。景行天皇二十七年東漢和帝九年。王大喇壞嗣位。時匈奴侵北鄙。命將擊走之。王性寬惠。矜庶獄。有仁聲。晚歲好土木。比頑童。論者惜其不終。繼立之王。好武。屢伐匈奴。勝之。成務天皇七年順帝十二年。王安敦嗣立。博物好古。明於治體。修律度。振綱紀。號為中興。時匈奴逐水草。屢犯邊。王親率大兵。渡河。深入。不解甲者數年。窮追至北海。犁其庭。幕伏屍百萬。由是烽燧銷息。數十年無鳴吠之警。東漢之末。昏庸在位。骨肉相殘。國大亂。神功皇后攝政蜀漢後帝年間。稱王者三十人。日相屠攻。有奧哩。

都者。荆平僭逆。光復舊物。羅馬再康。後因東方多邊患。恒屯

重兵以備之。應神天皇三十八年晉懷帝永嘉元年。王君士但丁或作公嗣位。性

謙柔。有遠略。建大城於他大尼里海峽之北岸。以控制東方。

即名曰君士但丁城。一作康思胆胎諾格爾。又作宮。是為羅馬東都。君士但丁卒。三子爭立。國又幾亂。嗣立之王好佛。仇

西教。伐波斯。中流矢卒。王約菲安嗣位。温恭好禮。修好四鄰。

稱為太平。先是東北有莪特族者。一作厄都。又作哥度。為匈奴所攻。降

於羅馬。羅馬處之北境。恣其游牧。生聚年久。日漸強盛。羅馬

既立東都。悉以勁兵防東邊。西都守備單弱。莪特突以兵犯

羅馬。羅馬王禦之。殞於陣。國大震。乃與之和。王第阿多西嗣


位潔白自修稱為令辟。仁德天皇八十二年東晉孝武帝二十二年分國為兩以羅馬為西都以君士但丁為東都立二王分治之其後西都屢為戎特所侵日就衰弱王和椰流嗣立貪饕喜淫刑戎特屢來攻肆行殺掠城邑蕭然。宋蒼梧王元徽三年戎特圍羅馬都城王出降戎特囚之軍中憂懼死羅馬民私葬之由是西都遂為戎特所據而東都仍稱羅馬國。梁武帝二十五年東王如地尼安嗣位精於吏治因舊例煩苛令群臣刑訂之歸於寬簡臣民稱便時國人有航海至中國者携蠶桑之種以歸試植之與土性宜由是繭絲之利興焉。泰西興蠶桑之利已一千數百年而為中國之人不知以唐初回回教之摩哈默興於阿刺伯新無為皆從粵東販往

波斯勢張甚欲強羅馬入回教羅馬不從由是為阿刺伯所怒數數被兵是時戎羅斯興於北土以兵侵羅馬羅馬與之和以女嫁之從此戎羅斯崇洋教已而阿刺伯攻羅馬之東境西里亞猶太買諾諸部皆陷峽東地全成敵境僅餘故希臘片土。即土耳其其西土勢益孤弱元末土耳其起於買諾兼并峽東諸部數渡峽。即他大尼里峽已詳土耳其圖說攻羅馬侵割其旁邑殆盡明景泰三年攻陷君士但丁都城羅馬遂亡。○後漢書大秦國一名犁鞞以在海西。此海指地中海亦云海西國所居城邑周圍百餘里置三十六將皆會議國事其王無有常人皆簡立賢者其人民皆長大平正有類中國故謂之大秦與安息。即波斯

卽印度 交市於海中其王常欲通使於漢為安息遮遏不得  
成務天皇帝三十六年自達至桓帝延熹九年大秦王安敦遣使自日南徼外獻象  
 牙犀角瑇瑁始乃一通焉云云考之泰西人所紀載羅馬都  
 城最大與漢書周圍百餘里之說相合又羅馬自努馬七世  
 後不立國王選賢者居高爵立公會以治事與漢書王無常  
 人簡立賢者之說相合漢成帝二十七年唯大屋踐王位仍世及  
成務天皇帝七年漢書所云乃其往事又漢順帝十二年王安敦嗣位號為中  
 興與漢書延熹九年大秦王安敦遣使入貢之說年代名氏  
 均相合則意大里之為大秦無可疑矣意大里在兩漢時歐  
 羅巴一土隸幅員者十七八故大秦之外別無海西部落之


名見於范書惟安敦之入貢由日南徼外其為航海東來可  
 想而知然則謂歐羅巴諸國明以前未通中國者殆不其然  
 惟市舶之聚於粵東則自前明始耳唐宋以來皆以佛錄為  
東鄙屬部猶之稱浩宰為安集延也然自宋以後佛錄乃大秦  
回部所據并不屬大秦中國不知其原委故因仍不改耳今  
 歐羅巴從洋教者曰意大里亞曰佛郎西曰比利時曰西班  
 牙曰葡萄牙從西教者曰英吉利曰荷蘭曰連國曰瑞國曰  
 普魯士曰米利堅此外兩教參雜者曰塞地利曰日耳曼列  
 國又別有希臘教者亦洋教別派額里士義羅斯尚之與兩  
 教教規又不同近泰西人稱洋教為公教稱路得等教為修  
 教余謂立教以救世也乃諸國因分教之故而殘殺不已教






後邊廣善院

朝鮮圖  
 卷之二



後邊有書  
圖

荷蘭圖



荷蘭國地圖

荷蘭國

荷蘭和蘭○賀蘭荷蘭歐羅巴小國也。東界日耳曼。南界北利時。西  
 北距大西洋海。縱約六百五十里。橫約三百五十里。壤地褊小。  
 夷坦無山。歐羅巴地形。此最低陷。海潮衝。劃為洲渚。港道縱  
 橫。交貫其地。沮洳卑濕。而土脈最腴。民習水利。善築隄。防開溝  
 洫。又善於操舟。能行遠。故歐羅巴海市之通行。自荷蘭始。其地  
 古時為土番部落。種人名曰巴達。漢時。意大里。擴地至佛郎  
 西。荷蘭土番悍不聽命。意大里兵阻水不能進。因置為荒服。不  
 復爭。後為日耳曼之弗郎哥人所據。蕭齊時。佛郎西取之。置酋  
 長。分領其衆。佛有內亂。諸酋擁地自擅。分為十七小國。後有不



爾疴尼亞酋長復并諸部為一自立為侯國。北宋時海潮決隄數百里居民皆沒都城幾陷。潮退之後積水匯為巨浸。曰亞爾零海。經營數十年。戶口繁滋。商賈通行。完富過於曩時。明初侯查理侵佛郎西。圍其都城。耀兵而還。時荷蘭富民多恃財犯科。律侯以峻法繩之。刑戮過當。眾怨怒有叛志。佛郎西乘勢伐之。侯震恐。納賂請盟。佛兵乃退。荷蘭舊分南北部。侯政苛虐。南部即北畫疆不聽命。侯與戰敗績。隨溝中死。永正正德季年。西班牙王查理第五新為日耳曼所推立。已詳塞地利亞圖說有大權。擊佛郎西。擄其王。西土諸國無敢逆顏行者。遂下令兼王荷蘭。荷蘭不敢抗。時荷蘭富甚。王減稅以悅其民。而悉令入洋教。有遵西教者。積

薪燔之。已而查理第五令其子西班牙王非立第二兼王荷蘭。禁西教尤急。南部本習洋教。無梗令者。而北部夙崇西教。堅不肯改。非立第二以峻法繩之。凡戮數千人。荷蘭人憤甚。有阿蘭治者。智勇過人。眾推為主。起兵距西班牙。西班牙以大眾攻之。荷蘭人死戰屢敗。而氣不衰。佛郎西英吉利嘗引兵救之。已而退去。阿蘭治激其眾曰。西人以我供刀俎。當塗肝腦。決死戰。幸而勝。國之福也。不濟則決海隄。挈妻子為波臣。不死者乘舟逃。萬里外誓不為之氓。眾皆曰。諾。遂引軍獨進。與西班牙鏖戰數十年。屢挫西軍。西班牙遣刺客殺之。其子繼統其眾。雄武過父。奮力擊西軍大破之。西班牙乃斂兵議和。由是荷蘭復立為國。

晏然安富。承平者二百餘年。當前明中葉。荷蘭航海東來。至中國之東南洋。據瓜哇海口。即噶羅巴迤東迤北各島國。皆建設埔頭。通東西七萬里之海市。故國雖小而富饒。甲於西土。明季嘗以兵船擾閩浙。舉臺灣而據之。後為鄭氏所逐。小西洋各埔頭亦頗為英佛諸國所侵削。而南洋數大島。則依然荷蘭有也。康熙元年十七年。王威廉第三有雄略。英吉利人招之渡海。奉以為王。幾霸西土。克政嘉慶初。佛郎西拿破侖侵伐四國。兵及荷蘭。荷蘭王走死荒野。地歸佛郎西。英吉利乘荷蘭之亂也。奪其瓜哇埔頭。拿破侖既敗。荷蘭復立故王之裔。英人乃還其埔頭。先是荷蘭南部與北部相仇。當北部與西班牙構兵。南部附西班牙不相

助。文化十一年嘉慶十九年。南部與荷蘭合。天保二年道光十一年。南部復絕荷蘭。立

他族為王。稱北利時國。荷蘭地形平行。有水無山。東偏僅有邱阜。亦甚寥落。北境出燕麥。中國稱油麥又出胡麻。形似壁蝨紫黑色。可以為油。山西省

北有之。非脂麻也。西北境出大麥。中土出麻與顏料。南境出小麥。俗喜

吸絲烟。故種烟草者多。草場豐廣。便於牧牛。所製奶餅極佳。又

善造火酒。二者通行各國。所織羽毛緞最良。中國貴之。其民俗

樸實耐勞。節衣嗇食。治生最為勤苦。無游民。無盜賊。利之所在

不遠數千萬里。性喜潔。房屋時時掃滌。街衢有污穢。必洗刷淨

盡。稅餉頗重。聽紳士籌辦。王不得專。地分十一部。○北荷蘭西

距大西洋海。東環亞爾零內海。都城曰亞摩斯德爾登。一作倫莫士特

爾坦又作建於義河之濱架木水上起樓閣以河道為街衢  
 安持堤居民二十萬貿易之盛為歐土大都會又有別都曰合其在海  
 濱國王所居殿廷制頗卑狹而民居極整潔來丁鳥特兩城有  
 大書院文儒所萃○南荷蘭在北荷蘭之南西面大海南界內  
 港隔斷成兩洲會城曰海牙所屬鹿特堤城內通舟楫穀商所  
 萃街市華潔○斯蘭德亞在南荷蘭之南西面大海內港縱橫  
 界隔成六洲會城曰米德爾不爾厄○北巴拉班的在斯蘭德  
 亞之東幅員頗廣南與比利時接壤會城曰不亞勒獨各○烏  
 德勒支在兩荷蘭之東會城同部名○給爾德勒在烏德勒支  
 之東北西界亞爾零內海東界日耳曼會城曰亞爾零○德倫

得在給爾德勒之北西界內海東界日耳曼會城曰亞森○疴  
 威爾義塞耳在德倫得之北東界日耳曼會城曰索爾○非里  
 薩在疴威爾義塞耳之西三面距內海會城曰留瓦爾敦○哥  
 羅疑加在疴威爾義塞耳之北為荷蘭極北境東界日耳曼會  
 城同部名○靈不爾厄在北巴拉班的之東南隅與日耳曼接  
 壤會城曰賣士的里至○十一部之外別一部曰盧森不爾厄  
 在日耳曼界內長二百五十里廣二百里會城同部名戶口二  
 十九萬入日耳曼公會應出兵二千五百五十此部圖中未畫  
應在日耳曼圖  
內

按荷蘭為歐羅巴澤國與魚鱉錯處受水患最甚享水利亦

最優隄防溝洫猶易易耳。剡木為舟而通行於數萬里之外。

則習於水之明效也。勝國季年閩浙兩洋時見侵軼嘗踞舟

山定海道頭地方尚燬普陀普陀巖有萬歷年間官塑佛像

去鼓棹月港即海澄縣從前海港深通大船可直抵城下荷

海門又於乃寄跡澎湖崇禎三年荷蘭據澎湖閩撫南居卒

乃據臺灣而有之。彼時概稱為紅毛。即荷蘭也。鄭成功長江

之敗。金厦不能守。適荷蘭通事何斌負逋稅逃內地。獻謀取

臺灣。成功悉銳渡海。奪鹿耳。據安平。相持一年。荷蘭大困。成

功乃縱之去。由此絕意中國。不敢復覬片土。先是鄭芝龍受

撫後嘗以小舟焚荷蘭三艘。厥後成功扼之於臺灣。幾致片

帆不返。以彼橫肆如鯨鯢。遇鄭氏父子而弱焉。亦足為遠夷

侵凌中國之烟戒矣。

歐羅巴諸國皆好航海。立埔頭。遠者或數萬里。非好勤遠略

也。彼以商賈為本計。得一埔頭則擅其利權而歸於我。荷蘭

尤專務此。其航海而東來也。亞非利加印度麻刺甲蘇門答

臘。即已遍設埔頭。噶羅巴即瓜哇一島大小西洋入中國之門。

戶富盛。甲於兩洋。為諸島國之綱領。荷蘭以詭謀據其海口。

建設城邑。流通百貨。由是迤東迤北諸島國如婆羅洲一名

阿西里百一名矢摩鹿加一名矢羅洛巴布亞一名那吉尼之類大小

凡數十處。說見南洋圖。皆巫來由。繞阿武吃番族。荷蘭以次據口

岸立埔頭有租賃其地者有侵脇得之者大約近年以來小西洋諸島國以英吉利為主東南洋諸島國除呂宋屬西班牙餘皆以荷蘭為主地本彈丸而圖國計於七萬里之外歷數百年無改亦可謂善於運籌者歟

鄭芝龍焚荷蘭船見閩人所著臺灣外紀其書雖小說而事多實錄非盡荒唐維時荷蘭夾板擾閩浙芝龍已受撫為裨將奉軍門令往剿荷蘭船堅炮猛不能勝乃募死士善泅者以小船堆柴薪澆以油中藏火藥前置引線船首施短鐵鍊綴利錐死士一人持斧坐船頭數人從旁乘風潮急棹傍夷船以斧釘錐於舢艖燃藥線投水鳧回藥燃火發風又猛烈


荷蘭夾板被焚三艘餘悉遁去云余按芝龍本海中劇盜所養皆亡命之徒其權譎能得人死力以此出奇制勝理或有之他書言火攻者紛紛有謂用千百木筏積薪順風潮而縱之者有謂鎖千百小舟積薪蔽港面而圍之者大約皆江河火攻舊說否則攻海盜舊說施之夾板擊柁甚矣海面寬闊夾板皆相地散泊近者相隔一二里遠者三四里木筏小舟雖多豈能塞滿汪洋如櫓而進又豈能引鍼拾芥無端而使之相著此自焚舟何與彼事不如芝龍之釘船事雖難而尚有實際耳

瀛海志畧 卷六 五十一 業山閣

Vertical columns of text, likely a map or geographical description, with some characters being faint or illegible.

# 比利時圖

圖章



大下卷圖



凌遠廣志臨

之川卷四





荷蘭水

比利時國

比利時。北勒治。○惟理儀。○北義。○比爾日加。○此歐羅巴小國也。北界荷蘭。西北距大西洋海。西南暨正南。俱界佛郎西。東接普魯士西部。縱約五百里。橫約三百里。古時本荷蘭南部。荷蘭多水。而比利時多平陸。明初荷蘭侯查理好用兵。徵調煩苦。比利時不聽命。查理引兵突入其境。掩殺八百人。比利時結大隊復仇。查理敗死。後西班牙王非立第二。兼王荷蘭兩部。荷蘭人阿蘭治起兵拒戰。相持數十年。比利時隸西班牙。未敢戴。康熙五十三年。西班牙以比利時歸奧地利亞。為奧藩屬者七十餘年。嘉慶初。佛郎西拿破侖破命。無并諸國。先取比利時。次滅荷蘭。

比利時國

拿破侖敗。荷蘭再立國。嘉慶十一年。比利時復與荷蘭合。先是荷蘭崇西教。因此與西班牙構兵數十年。卒獲勝復國。而比利時是近佛郎西。顧獨從佛俗尚洋教。又夙隸西班牙。塞地利皆洋教國。既與荷蘭合。不肯從荷俗。兩部之民不相能。時時構釁。而荷蘭以比利時夙附仇國。不與恢復之師。素薄其人。不令居顯秩。又不肯收教其幼學。比利時人積不能平。道光十一年。遂荷蘭守土吏。荷蘭伐之。比利時諸部。合兵拒戰。相持數月。伏屍遍野。佛郎西舉兵助比利時。荷蘭乃斂兵退。比利時人遂招明耳曼之薩克撒各不爾厄。小侯留波爾多來國。奉以為王。自立為國。比利時境內大河有二。曰義斯加爾達。曰米干塞。下游皆

在荷蘭境。貨船由此出運。既絕荷蘭。荷蘭遏其港口。使不得通。乃造鐵輕輻路。以石鋪路。鑄鐵汁灌之。使平如砥。以火輪車由陸轉運。以達於海。

比利時平原坦闊。南界僅見岡陵。氣候溫平。土膏腴潤。宜穀果烟葉。多草場便牧畜。兼產煤鐵。地分九部。○南巴拉班的。在八部適中之地。都城曰不魯捨拉斯。一作木蘭。各士爾。建於塞內河濱。宮廷高大。潔而不華。其民工於紡績。所織呢布皆精良。城內外多植嘉樹為園囿。供士民遊賞。○安都厄爾。在亞。在南巴拉班的之北。壤接荷蘭。會城同部名。向為水運大埔頭。近年港口為荷蘭所封。舟楫不行。○東發蘭德斯。在南巴拉班的之西。

會城曰干的。織工所聚。呢布由此出運。○西發蘭德斯在東發  
 蘭德斯之西。西距大海。南界佛郎西。會城曰不魯日。係水運海  
 口。○海腦德在南巴拉班的之西南。與佛郎西接壤。會城曰蒙  
 肆。係內地埔頭。○那慕爾在海腦德之東。南界佛郎西。會城同  
 部名。○列日在那慕爾之東。與日耳曼接壤。會城同部名。○靈  
 不爾厄在列日之北。東界普魯士。北界荷蘭。會城曰賣士的里  
 至。此與荷蘭之靈不爾厄相連。會城名亦同。蓋一城分為兩地也。○盧森不爾厄在列日之南。  
 東界普魯士。南界佛郎西。會城曰亞爾倫。此與荷蘭所轄之盧  
 城名不同。蓋地界亦相近也。

按比利時本荷蘭南部。兩土合併。猶不敵諸大國之半。其初

分也。因查理之妄殺。西班牙之侵荷。北部日尋干戈。南部遂  
 羈縻強敵。其再分也。則由於西教洋教之角勝。於虛立教以  
 止殺也。今乃因教而相屠。豈不愚哉。  
 比利時於國初時。曾求粵貿易。絕迹多年。佛郎西其姻鄰也。  
 近復為之代請通市。朝議許之。



